

擊鉢吟六集

新竹德興書局
發行



擊鉢吟六集序

道光初年吾鄉諸先進仕京華者結社賦詩久而成帙曾少坡前輩錄而刊之顏曰擊鉢吟偶存其後作者蟬聯遂有二集三集四集五集之刻二集亦都門社課為柏蔭所手錄者三四五集則刻於閩中許鶴舫前輩黃小石比部林說樵大令各有序言柏蔭皆與參校焉嗣是時事紛紜朋儕零落此事幾如廣陵散同治壬戌秋柏蔭重赴京華諸同志命酒洗塵乃得復脩風雅甫兩月而柏銜

命從事皖營諸君謂已舉不宜再廢花辰月夕仍作盤桓雖不能如前此之時時聚會而情來興往歷久如新今夏柏蔭述職入都初擬少作白留而酬酢琴如欲求一集而不可得乃盡索積年課本度行篋中猶子浴入社最晚常欲追蹤作者循題依韻補擬錄呈間亦可採回鄂後仍依前例彙選以付手民因嘆時閱八年宦經三省流光激電哀鬢添霜猶得從人海輟塵追尋鴻爪緣法蓋亦不輕矣至於衙齋公暇坐擁一編握槩懷鉛晨書暝寫固自笑平生結習之癡亦竊願為五十載吟壇一張旗鼓也賈余餘勇是所望於羣公

同治己巳十月初吉遠堂郭柏蔭識於武昌官署

同人姓氏錄

郭柏蔭 遠堂

龔溶孫 鑑波

陳崇砥 繹護

孫翼謀 毅庭

蔡賡良 潤叔

邱銘勳 丹臣

林拱樞 心北

何嵩祺 伯希

林天齡 錫三

程光溥 道南

郭溶 鹿泉

許榿蕃 柳丞

趙新 又銘

林駿聲 秋坂

周麟章 少紱

龔履中 禹疇

邱書勳 彤丞

齊壽昌 萊序

林纁 翊仲

陳萼芬 澧川

林春霖 雨邨

楊仲愈 子恂

陳翼 芭庭

高臚璟 鐵農

范熙溥 新溪

林壽圖 頴叔

鄭守廉 仲濂

鄭守孟 海邨

王傳璣 子恆

李世緒 荷紳

方鏞 韶笙

陳寶璿 鄰石

陳欽銘 少希

鍾大榮 桐樵

擊鉢吟六集卷上目次

(東)脩月 五首

謝希孟造鴛鴦樓 二首

種罌粟花 三首

王彥章鐵鎗 四首

(冬)蒲鞭 三首

鐘植彈琴 五首

懷陳繹護司馬 三首

杜牧之湖州觀水嬉 八首

(江)韓幹畫馬 二首

鄭尚書履聲 二首

廣寒宮織登科記 二首

肉屏風 四首

藍橋乞漿 三首

(支)東坡夜登燕子樓夢關盼盼 五首

鬱輪袍 六首

紫菊 二首

龍門賞雪 二首

報歲闌 三首

記事珠 二首

影戲 四首

(微)南陽諸葛廬 二首

夢中說夢 三首

殘棋 六首

方鏡 三首

焚香選卷 四首

餞荷 三首

擬長生殿誓詞 二首

(魚)荷包牡丹 二首

銀瓶娘子 二首

柳敬亭說書 九首

彌正平搥鼓 四首

看紅拂梳頭 四首

放鴿 三首

(虞) 醜錢葬柳七 六首

聞雨花臺掇音 五首

春寒 四首

開元指迹錢 五首

敝帚 六首

雁足燈 二首

竹小春 二首

陶淵明閑情賦 四首

隨駕老鴟 三首

(齊) 題邯鄲夢傳奇 二首

石勒讀漢書 三首

桃花米 二首

墨猴 五首

百錢看太真鞵 三首

醉蟹 四首

張巡傳糊窗 三首

(佳) 支道林鷹馬 五首

五

五

六

六

六

六

六

六

七

七

七

七

七

七

七

七

八

巾箱紙驢 二首

九鯉湖祈夢 三首

梅蕊 三首

憶閩中檳榔 五首

牧牛曲 三首

(仄) 模稜宰相 五首

鸚鵡洲玉蕭墓 四首

美人風箏 三首

三醉芙蓉 四首

千里鏡 二首

雪堂義墨 二首

管仲姬畫竹 三首

賣花聲 三首

(真) 裴晉公詞 二首

熟車 五首

蒟枕 四首

唾壺紅淡 二首

八

八

八

八

八

八

九

九

九

九

九

九

九

一

一

一

一

郭子儀拜織女 三首

秋梁公賄集翠裘

(文) 薛燭相劍 二首

禹生日 三首

楊妃受琵琶弟子 七首

東山折屐 二首

漢光武對竈燎衣 三首

公孫布被 四首

酒券 三首

眼鏡 五首

(元) 蔣荅生冬青樹樂府 六首

卓文君銅印 四首

韓昌黎登華山絕頂峯 四首

葉聲 八首

(寒) 拜月 五首

東坡強人說鬼 四首

升官圖 四首

秋蟲 五首

簾波 五首

王翠翹傳題後 二首

阿蠻樂籍 五首

(刪) 秋梁公毀項羽廟 三首

萬家生佛 四首

琴操參禪 三首

天下大師墓 五首

冊封琉球 二首

昆陽雷雨助戰 三首

觀濤 五首



三

三

三

一三

三

四

四

四

四

四

四

擊鉢吟六集卷下目次

(先) 馬射 八首

黑金社 三首

題林勿村太守西游草 五首

楊椒山琴 二首

祝荷花生日詞 五首

茶僧 二首

鈐山堂讀書 二首

禿筆 三首

(蕭) 寒號蟲 四首

偵師 二首

炊煙 三首

石工安民 五首

梅花螭 五首

題小青第三照 二首

杜征南沈碑 四首

李德裕籌邊使樓 二首

(有) 戚參軍餅 二首

溫太真絕裾 三首

馬乳葡萄 三首

東施 六首

駱賓王寄靈隱寺為僧 三首

褚遂良書隨清娛墓誌銘 二首

(豪) 讀松筠庵諫草 三首

東坡赤壁後游 三首

劍氣 六首

米汁佛 三首

清涼居士 四首

秋蠅 七首

茶聲 三首

(歌) 黃河 四首

麻姑搔背 五首

博浪椎 四首

衣錦將軍 三首

三

三

三

三

三

四

四

四

四

四

四

四

五

五

五

五

五

塵 三首

宣大馬市 四首

三語掾 二首

(麻) 壯士行 二首

梅妃故里 三首

題吳梅村圓圓曲後 二首

曲于相公 四首

黃錦襖 四首

白香山聽小童吹簫 六首

(陽) 富春畫眉 二首

斷碑 四首

沈香假山 四首

丹霞燒佛 八首

荷葉粥 四首

(庚) 買妾 七首

鄭所南心史 四首

木野狐 三首

五

五

六

六

六

六

六

六

六

七

七

七

七

七

七

八

八

虬髯客觀奕 四首

橋亭賣卜 三首

南霽雲射塔 三首

陸魯望養鴨 三首

(青) 憶小西湖 四首

李衛公投詞華山廟 六首

家書 五首

蒲扇 三首

洞庭春色 四首

官田種秫 二首

小西湖競渡 三首

(蒸) 龍溪館龍爪槐 二首

韓嫣金彈 三首

賣餅 四首

詩債 五首

宜春帖 六首

(尤) 董四墓桃 二首

八

八

八

八

八

九

九

九

九

九

九

〇

〇

〇

〇

〇

〇

管幼安鋤園 三首

破甑 三首

花石網 五首

嫁杏 五首

漁火 七首

漢文帝按細柳營 三首

(侵) 蘇文忠乞開西湖 二首

綠朝雲 二首

樵風 四首

火輪 二首

黃金臺 五首

琵琶蟲 四首

九花虬 二首

(卓) 邯鄲才人嫁為廝養卒婦 三首

綠珠井 二首

窮孟嘗 二首

媼相 四首

〇

二

二

二

二

二

二

二

二

二

二

二

二

二

二

二

三

詩帳 三首

聽雪

小西湖菱租

(鹽) 呂文穆公夾袋 四首

建溪船 四首

山林微雲女壻 四首

柏姬廟 二首

王氏青氈 三首

(咸) 陳子昂碎琴 二首

罷輪臺詔 三首

楊貴妃抱劉晏膝上畫眉 三首

薛濤牋 三首

黃頭婦 三首

假山 三首

糟筍 二首

擊鉢吟六集題後 四首

三

三

三

三

三

三

四

四

四

四

四

四

四

四

四

五

擊鉢吟六集卷上

脩月

五首

瓊樓玉宇映玲瓏 七寶嵌成結構工 我有上梁文最好 秋風擬送廣寒宮 秋坂

嵌空七寶妙玲瓏 不讓媧皇鍊石工 為問落成定何日 桂輪香滿趁秋風 新漢

枕襪仙人妙手空 何年圓鏡鍊青銅 桂花滿地蟾蜍影 秋在聲聲玉杵中 錫三

造化猶資斧鑿功 誰將調語破蒼穹 癡心并乞情天補 一樣團團萬古同 子恂

七寶雕鏤創桂宮 年年玉屑落雲中 蚌珠正滿萋頤蝕 又費吳剛斧鑿功 子恂

謝希孟造鴛鴦樓

二首

春風小築畫樓紅 脈脈深情比翼同 惆悵浪花分槩後 伯勞西去燕飛東 毅庭

老向儒門悟色空 名淡解脫亦英雄 只愁六六鴛鴦散 贏得青樓唱惱公 錫三

種罌粟花

三首

載得已菰船趁風 年來海客說年豐 中原奪盡耕耘力 不及山田有鞠窮 穎叔

商量淺白閒深紅 小徑新鋤地半弓 準備花王奉天詔 裹糧十日借春風 子恂

千葉千房鬪鬱葱 廣收御米報東風 中秋宜月重陽雨 兒女癡心望歲同 子恂

王彥章鐵鎗

四首

芒山佐命仗英雄 朝士無如一將忠 空說哥舒留半段 潼關敗血竟無功 又銘

留名不愧豹皮同 半世燕雲血戰中
捨得千秋忠義起 一枝直筆配歐公 仲濂
長槍橫掃信英雄 誤事朱梁苦效忠
鑄錯羨君能到底 五朝大節擬韓通 新溪
朱梁何福得英雄 不讀詩書解效忠
我欲招魂持鐵板 為君慷慨唱江東 柳丞

蒲鞭

三首

比戶居然盡可封 不關賢守度優容
葛花綠徧平臯路 驄馬行行看勸農 又銘
示辱猶慚吏治庸 敢誇政績似黃龔
何當裁作南薰扇 比戶揚仁盡可封 新溪
朱輪使者曾推我 綠劍真人亦屬儂
弱質附登循吏傳 千秋長願執鞭從 澧川

鍾馗彈琴

五首

捷徑終南避俗蹤 安絃操縵意從容
新聲莫譜求凰曲 歸妹愆期易惱儂 又銘
跪指爬沙掬笑容 松風謾說月溶溶
秋墳齊唱聲相和 知在終南第幾峰 心北
黃月昏昏照古松 終南山下斷人蹤
蓬頭赤腳都來聽 鬼趣圖添羅雨峰 錫三
徒宅迢迢絕俗蹤 知音塵世渺難逢
傳家自譜高山調 心在終南何處峰 萊序
進士頭銜達九重 栖遲鬼國漫從容
王門挾瑟從人去 捷徑終南久絕蹤 萊序

懷陳繹護司馬

三首

中年多故恨填胸 兒女英雄涕淚濃
悔不與君同買釣 青鞋布韞踏鼇峰 毅庭
詩人仙吏仰芳蹤 吟社曾經載酒從
斯世論交重意氣 高樓百尺屬元龍 韶笙

十日平原喜過從 詩情酣似酒懷濃 春來好踐西山約 共聽僧寮一夜鐘 錫三

杜牧之湖州觀水嬉

八首

不緣解佩早情鍾 畫舫重尋悵絕蹤 莫怨蛾眉太負負 十年期約已從容 又銘

舞衫歌扇話萍逢 十四年前覓舊蹤 獨對綠陰寄惆悵 畫船簫鼓夢重重 又銘

青樓薄倖本情鍾 茗雪春游興倍濃 生怕鴛鴦無覓處 金錢十萬衍魚龍 秋坂

蘸水花光照眼穠 鈿車一別悵無蹤 十年乞得湖州守 綠葉陰中唱惱儂 錫三

少小年華幼眇容 綺羅隊裏乍相逢 湖州花事揚州月 舊夢迷離幾萬重 錫三

鈿轂牙橋夢絕蹤 湖風吹瘦碧芙蓉 一從別後長相憶 茗雪烟波幾萬重 子恂

十年舊約負芳蹤 無復花枝照眼穠 我亦癡情同小杜 秋江消瘦為芙蓉 子恂

舊是揚州薄倖儂 冶游茗雪又尋蹤 魚龍百戲無心看 貪看花枝照眼穠 鹿泉

韓幹畫馬

二首

清門高足此無雙 寫出驂駒氣不降 想見解衣磅礴處 蒲桃首宿夢秋江 遠堂

九方去後足音登 入室丹青筆獨扛 世上驂駒半皮相 但論畫肉已無雙 子恂

鄭尚書履聲

二首

盈庭空聽佩琤琮 忠愛誰憐鬱滿腔 赤舄不須稱几几 但論抗疏已無雙 又銘

天門排闥悵盈腔 國事真堪玉斗撞 莫歎此聲千古絕 老臣危素亦無雙 涇川

廣寒宮織登科記

二首

姓字分明艷曲江 暗中位置慰寒窗 天孫更有新花樣 付與才人健筆扛 穀庭
 榜花織出艷無雙 卻借燈油向佛幢 我欲梯雲天上聽 霓裳曾否換新腔 心北

肉屏風

四首

時間環佩響琤琮 肉陣能教冷氣降 十二金釵圍列處 瀟湘六扇恰成雙 秋坂
 長安佳麗選無雙 相國風流興未降 消受四圍脂粉氣 春寒吹不到紗窗 錫三
 豪竹哀絲氣盡降 清防平列玉琤琮 此情何似昭陽燕 擁背春寒姊妹雙 子恂
 水晶簾外穩蓮躡 敵得風來四面窗 盡手試將猩色著 折枝花朵艷無雙 柳丞

藍橋乞漿

三首

解渴相煩捧玉缸 隔簾小立穩蓮躡 仙郎莫漫輕偷眼 曾識雲翹肖面龐 秋坂
 天定良緣終有屬 玉京跋涉悔愚慙 施漿別憶羊公事 曾種藍田璧五雙 澧川
 小駐狂驂叩綺窗 瓊漿便抵佩珠雙 神仙夫婦談何易 辛苦元霜萬杵撞 錫三

東坡夜登燕子樓夢關盼盼

五首

心迹香山苦未知 但將不死責蛾眉 新詞想見低頭乞 簾幙深深下拜時 又銘
 惆悵當年燕去時 畫樓心事不勝悲 紅顏生死兩知己 白傅新詩玉局詞 鑑波
 畫樓無復燕差池 夢亦迷離說亦癡 合喚朝雲重說偈 春蠶脫繭斷情絲 秋坂

春夢初醒攬鬢絲 珠樓幽怨弔蛾眉 逐臣心事孤菱感 迸作千秋幼婦辭子恂
翠袖翩翩入夢時 依然風裊牡丹枝 樓頭為訴秋風恨 燕子呢喃總不知鹿泉

鬱輪袍

六首

錦衣逐隊拜蛾眉 收撥沈吟得意時 貴主開顏京兆諾 白袍門外淚如絲秋坂
但把琵琶結主知 朱門未足算揚眉 深宮弟子收多少 合拜肥環作座師秋坂
新聲深感主恩知 鵲立看彈絕妙詞 一第甘將聲價賤 卻忘醋甕苦吟時仲濂
脫白何緣結主知 潤來一第過偏奇 管絃凝碧幽囚日 回首功名歎路岐仲濂
詩中有畫畫中詩 偏借檀槽結主知 絕代才人猶獻技 碎琴安道意何為新溪
詩名畫筆兩稱奇 誰識才人未遇時 轉是蛾眉容吐氣 琵琶一曲淚如絲荷紳

紫荊

二首

美人顏色療朝飢 滿引霞觴醉不辭 更發狂言君莫笑 紫雲倘許乞分司遠堂
長年隱逸卧東籬 顏色猶堪傲九芝 閱盡風霜標晚節 山人亦有紫衣時鑑波

龍門賞雪

二首

幕事餘閒此賦詩 名流小聚歲寒時 夜闌試捲簾衣看 山色河聲落酒卮遠堂
馬蹏騰踏凍玻璃 鈴閣梅花汎酒卮 幕府清閑賓從醉 六軍立仗看吟詩子恂

報歲蘭

三首

臘鼓鼙鼙餞歲時
國香移植傍門楣
椒銘柏頌嫌隨例
愛頌南陔孝子詩
庭前三秀茁靈芝
又報芳蘭吐萼奇
都為新年增瑞氣
香闥入夢卜佳
嫩芽細茁趁芳期
煖入瀟湘有夢知
長替梅花作介紹
笑他迎鹿泉開遲三

記事珠

構得元忠獄可疑
明珠無補相公思
何如但乞龍司馬
事大如天總不知
歷歷平生苦費思
行雲流水任遷馳
我今十多忘九
不買明珠但買癡穀庭

影戲

火光一片矚玻璃
醉紙迷金總出奇
裝出美人好顏色
夜游想像影娥池
丁歌甲舞眼迷離
恍似牽繩愧偶奇
臺閣紙糊兵紙上
功名富貴本兒嬉
帳裏神光悵合離
春燈一翦耐尋思
雲車風馬紛紛下
疑有湘靈擁翠旗
背面聞聲正面窺
歌場色相太迷離
斗生只愛張三影
明月鞦韆唱好詞

南陽諸葛廬

昔年龍卧此巖扉
梁父吟成步落暉
自種成都桑八百
歸田無計遂初衣
漢鼎重興賴指揮
綸巾羽扇贊戎機
故山高卧空回首
臣本躬耕一布衣

夢中說夢

牀頭嚙語聽依稀
夢可迷離醒亦非
惟有希夷長睡好
鹿蕉槐螳兩忘機

三首

二首

四首

遠堂

鑑波

遠堂

錫三

韶笙

涇川

新溪

繞從夢境悟禪機 歧路多歧醒又非 畢竟幾人是真覺 階前蝴蝶任飛飛 鑑波
螳游蝶化總依稀 更與何人辨是非 世界大千盡魔障 曉鐘無力破重圍 子恂

殘棋

六首

勝負原應早見幾 到頭何必較纖微 勸君斂手收餘子 重別寒燈再一圍 秋坂
野狐亦自悟禪機 坐隱無人靜掩扉 如豆燈花敲欲燼 碧天三五曉星稀 仲濂
鉤心鬪角算纖微 勝負何容一著非 全局由來觀結束 莫因殘劫手輕揮 子恆
布局羅羅落子稀 橘中人去隱仙機 推枰急起緣何事 或是東山露布飛 韶笙
一局將收落子稀 功成猶自運心機 東南劫急君知否 善後還須仗指揮 芭庭
勒征劫撲運心機 戰到耐時著轉稀 正是耐人尋味處 康獨亂局惱楊妃 柳丞

方鏡

三首

棱棱圭角淬清輝 銅行如君世亦稀 惟有同心方竹杖 照人肝膽伴人歸 鑑波
霜彩凌兢逼四圍 照人肝膽倍光輝 封侯定有如田相 面面相看誰是非 秋坂
未肯磨礪去圭角 更難韜匿到光輝 寒山一片此頑鐵 不共月輪天上飛 子恂

焚香選卷

四首

相才韓范輔綸扉 選士猶煩叩紫微 三百餘年多理學 辨香不負此齋祈 又銘
選來字字等珠璣 珍重還如手盥薇 一第猶勞宵旰意 此生何忍負初衣 穀庭

九重烟篆長霏霏 百丈文光拱紫微 聽到傳臚人第一 宮袍猶染御香歸 韶笙
殿閣風高寶篆霏 金爐玉案重齋祈 不求符瑞求忠孝 遠勝天書拜紫薇 錫三

餞荷

三首

冷盡紅房褪綠衣 樽前景物已全非 黃昏江上空相憶 况是西風燕子歸 毅庭
夕陽無語亦依依 狼藉秋香落故衣 把酒問君何處去 蓮花峰頂是耶非 毅庭
秋風秋露思依依 小別經年盼早歸 三十六陂人去也 水香狼藉酌湘妃 仲濂

擬長生殿誓詞

二首

凭肩夜坐盼支機 天上人間願莫違 但使星橋長駕鶴 珍珠分寵任梅妃 新溪
一年一會一睽違 惆悵雙星福分微 願仙作山連理樹 楊花長傍李花飛 韶笙

周必大詩序得之湘中花紅而蕊白狀類雙魚累累相比枝不勝
荷色牡丹壓而下垂葉與牡丹無異亦以二月開宜案今俗呼為荷包牡丹

二首

魏紫姚黃縱不如 天香一例染衣裾 蕙纒荃佩翩翩影 長侍花王問起居 遠堂
東皇曾與賜鮮魚 分得天香染珮琚 饒向人間誇富貴 米囊相較定何如 秋坂

銀瓶娘子

二首

無波古井泣兒魚 忠孝能兼古孰如 合並阿兄同立傳 金陀勒石壯門閭 又銘
古井波瀾夜月初 貞魂來往駕雲車 沈寃三字猶銜恨 未上緹縈教父書 毅庭

柳敬亭說書

九首

竟把談諧作者書

滿腔熱血敵簪裾

填詞莫便誇圓老

院本登場社已墟

又銘

高牙大纛事全虛

湖海豪情尚未除

當作前朝遺老待

不須南部覓新書

又銘

戎幕辭歸隱老漁

閉門無復理殘書

盲翁不解南朝恨

負鼓爭來乞唾餘

秋坂

狎客談諧半子虛

將軍勲業復何如

李龍畢竟英雄氣

愛聽人間說漢書

心北

懸河有口任軒渠

半屬齊諧半子虛

問汝雌黃千古事

將軍功罪果何如

仲濂

逋客攀條易姓初

武昌幕府曳輕裾

前朝遺事那堪說

燕子新箋又著書

新溪

判別鈴轅隱老漁

秣陵莫問近何如

練囊新劇春燈謎

辯口煩君一掃除

丹臣

滑稽肯寓腹中書

名士江南笑鯽魚

小技不教風雅附

漁洋調侃太無餘

錫三

莫笑侯門久曳裾

風塵寂寞老歸漁

江南僅有梅村在

知否何戡兩鬢疏

柳丞

禰正平撾鼓

四首

叫闖氣欲走雷車

不惜岑牟雜吏胥

此即春秋聲罪例

援枹勝讀董狐書

心北

一鷄公然應薦書

當筵磅礴目無餘

常山舌與司農笏

迸入先生作氣初

少絃

大兒僅見孔文舉

名士羞稱華子魚

作氣筵前憑一鼓

不教節義委簪裾

道南

霆擊雷轟震耳初

阿瞞膽落已無餘

此聲足抵陳琳檄

更把頭風一掃除

釋護

看紅拂梳頭

四首

雲鬢蓬鬆掠寶梳
胡牀斜倚看徐徐
老兄別具英雄眼
不獨相憐髮有旗鑑波
閑遍風塵下蹇驢
雲鬟髮髻果何如
太原未識真人面
絕代先驚入眼初秋坂
枕自高眠髮自梳
英雄眼法竟何如
他年杯酒扶餘祝
曾否粧臺問起居秋坂
雲鬟霧鬢理徐徐
判作天人語不虛
曾否掀髯詢一妹
可知霸氣屬扶餘萊序

放鶴

三首

鵲花翎向晚風舒
燕掠鶯捎總弗如
天宇寬閒雲路遠
不須更傍梵王居遠堂

三春風軟金鈴脆
八月霜高竹哨虛
到底依人謀粒食
江湖意遠愧春鋤鑑波

鬪鷄歸又笑眉舒
知否淮南急羽書
我只臨風懷壯愆
五籠齊放點軍初秋坂

醜錢葬柳七

柳永字耆卿 崇安初名三變為舉子時多遊狹斜善為歌詞教坊樂員外郎仁宗誕辰太史奏老人星見永為醉蓬萊詞以獻語不稱旨曰此人不宜仕宦且去填詞因自稱奉旨填詞柳三變 流不偶死之日囊無餘貨羣妓劇金葬之真州郊外仙人掌 每春月上塚謂之吊柳七

六首

落魄秦淮載酒俱
拌將身後累名姝
殘碑莫署詞人姓
多種墳前柳萬株又銘

美人報德豈區區
也擬南陽致束芻
一掬黃金一坏土
何曾名士有窮途錫三

平生詞譜落江湖
串入歌脣字字珠
贏得青山好埋骨
墓門消受玉人芻子恂

風流名士癡兒女
五百年來此舉無
留得詞人埋骨地
孤山梅樹傲林逋子恂

江湖無地著狂夫
仗義偏教出彼姝
此是詞人真解脫
曉風殘月夢醒無柳丞

天涯酒醒客星孤 黃土新堆滴淚珠 來歲清明還奠酒 紙錢相約踐春蕪 柳丞

聞雨花臺捷音

五首

東征勁旅等摧枯 白下城南捲旆趨 行覩石頭傳檄定 又移帥節指常蘇 秋坂

蔣侯祠下陣雲鋪 戰血平原濺綠蕪 還我秦淮舊明月 白門楊柳聽嗁烏 錫三

六朝梵宇掃榛蕪 鐵鷄飛來逐老烏 重見雲光開講地 天花如雨落浮圖 丹臣

十年烽火黯浮圖 一箭居然殪訓狐 從此散花召天女 山門依舊佛盤跢 鹿泉

直統雄師捲後湖 全城下視等甌臯 蔣山已扼金陵背 從此拴渠待獻俘 柳丞

春寒

四首

料峭風凝雪片麤 蕭蕭老屋客心孤 東君畢竟因人熱 寒到歌臺舞榭無 又銘

酒杯暖不醉屠蘇 細數梅花九九圖 已過試燈風尚緊 團團兒女坐圍爐 秋坂

五更漏箭報銅壺 九月朝班待晚趨 莫笑冰銜依舊冷 貂裘禁得雪花麤 穀庭

寶篆無烟悶鴨爐 翦刀料峭捲流蘇 闌干十二清如水 一院濃陰護鼠姑 錫三

開元指迹錢 能改齊漫錄世所傳青瑣集楊妃別傳以為開元錢乃明皇所鑄上

通寶錢及書皆歐陽詢之所為初進樣文德摺一痕因鑄之

園法初唐始削觚 中宮手印在錢模 玉環後事休牽混 只見脂痕捻鼠姑 鐵農

花開指甲莢青榆 宮樣新頒鑄五銖 從此水衡添故事 盛傳烏爪出麻姑 鐵農

平陵奇相信非誣 宮樣新錢壓五銖 未許射屏誇手段 聊將兒戲學麻姑 鹿泉
一彎指甲印錢模 軼事流傳九府俱 四字銀鈎陰綬上 有人鑒賞八分無 鹿泉
開通元寶高皇鑄 那有楊妃招蠟模 道是太宗文德后 洪遵泉志亦疑狐 鹿泉

敬帝

六首

掃盡紅塵剩故吾 居然位置聽奚奴 鋒芒已頓嗟何用 抵得文人退筆無 秋坂
莫為凋零怨禿奴 掃花曾與散仙俱 猶堪濡墨書飛白 可有才人一試無 秋坂
茵溷前身感故吾 掃花兼得掃愁無 莫言老去從拋擲 留取春宵祝紫姑 仲濂
半生搖落歎蓬枯 身價千金抵得無 獨向殘年乞如願 風塵滿地彗星孤 仲濂
前身記得落花無 弱質雖存已半枯 甘共短檠牆角弃 主人堂上有糞毬 伯希
永巷青苔輦道蕪 平明奉帚意踟躕 美人愁對荆苔立 一樣凋零怨向隅 伯希

雁足燈

二首

五鳳雙魚半有無 自將拂拭認西都 上林繫帛功非小 卻傍侯家作燭奴 少紱
南油西漆吐光無 夜宴同燒鵲尾爐 不著侯門鴻爪迹 短檠牆角且還吾 少紱

竹小春

羣芳譜八月為竹小春

二首

嶰谷陽光一綫蘇 琅玕萬个綠模糊 平生不解秋風恨 到底龍孫得氣腴 秋坂
東風吹葉半榮枯 暑雨連番醉未蘇 又報筍芽秋半茁 湘江別有歲華圖 柳丞

陶淵明閑情賦

四首

非關好色似登徒 別有深情託彼姝 九願篇終歸麗則 當年蕭選惜遺珠 遠堂
 但求甚解便墟拘 艷體文章借麗都 比似武陵漁父記 桃花溪水本虛無 遠堂
 義熙遺恨託歌烏 九願何曾屬彼姝 概把晉人譏放誕 歸夷曾讀國風無 秋坂
 義熙甲子存詩史 懷萬風流隱酒徒 此亦無絃琴裏意 美人香草夢江湖 子恂

隨駕老鴟

三首

誤將謔出比郎都 哲婦為鴟兆克符 鑿蹕西巡南內冷 延秋門外又嗥烏 遠堂
 畢逋城上兆先符 楊李鴟張竟召胡 鸞鳳不來鸚鵡至 早知佳氣五陵無 子恂
 千牛簇仗效前驅 天寶遺聞出野狐 到底輸他鸚鵡慧 問安還憶上皇無 鹿泉

題邯鄲夢傳奇

二首

神仙授枕破癡迷 才子填詞寓滑稽 太息登場人不醒 消磨歲月趁輪蹄 遠堂
 名場白髮驚羊脚 人海緇塵困馬蹄 讀到臨川新樂府 五更鐘漏一聲雞 遠堂

石勒讀漢書

三首

豎儒幾敗乃公事 鑄印當年悔噬臍 同不讀書同解事 季龍首為漢高低 又銘
 眼底英雄無魏晉 關中王霸雜羌氐 建平草草興亡局 持比高光運不齊 子恂
 酒邊論史等然犀 胡羯誰嗤眼界低 一例秋風挂牛角 英雄草澤尚卑栖 秋坂

桃花米

二首

冷官薄俸一囊齋

鸚鵡餘紅粒粒齊

我倘歸田謀種秫

移家長傍武陵溪錫三

新糧疑沉武陵溪

黑黍黃梁共品題

留得一囊康吏粟

陳紅莫笑太倉穉緝護

墨猴

四首

流傳異種自巴西

聯臂曾聞飲澗蹠

消得金壺三斗汁

前身或是李廷珪仲源

頭銜供奉許標題

長與龍賓卧起齊

自有硯田資食料

朝三暮四不須提新溪

不向巫山叫月號

卻依筆硯作僮奚

莫言趨捷難羈勒

寸寸消磨首也低子恆

飲墨三升醉似泥

玉堂朝暮共依栖

主人未拜松滋爵

對汝猶慚面目薰新溪

百錢看太真鞵

太真外傳妃子死之目馬鬼媪得錦鞵一雙每遇過客一說百錢前後獲錢無數

三首

一鈎錦襖濺香泥

千手傳觀價不低

我但一錢看西子

春風步履若耶溪翊仲

馬鬼羅鞵已濺泥

聲價當年費品題

垓下倘留遺鳥在

千金不惜弔虞兮丹臣

美人遺澤委芳泥

步月凌波費品題

我亦厭看妖冶服

杖頭覓醉杏村西秋坂

醉蟹

四首

擁劍橫戈任品題

無腸終竟醉如泥

平生自笑橫行甚

誤入糟邱嘆噬臍秋坂

文明氣象古難齊

腹裏雌黃恣品題

今日解生風節改

曹騰逃入醉鄉栖秋坂

選來个个是團臍

風味尊前費品題

我亦醜糟同畢卓

不妨偕汝醉如泥柳丞

海物還思遠道齋 呼僮沽酒挈偏提 團尖入選分先後 百甕泥封手自題 柳丞

張巡傳翔窗

三首

睢陽毅魄雷霆銳 吏部文光日月齊 供與寒燈障風雨 勝他新絹買鵝溪 秋坂

睢陽佳傳出昌黎 故紙鱗編信手攜 文厄何須嗟覆瓿 當年碑已拽淮西 子桓

書惟移傍紙窗低 卧請重將往事提 良馬就烹愛姬死 奇談說與處宗雞 子桓

支道林鷹馬

五首

海東自養凌雲翮 冀北空留伏櫪懷 伯樂不逢景升死 一雙青眼讓君猜 秋坂

脫鞵放轡氣無涯 萬里風雲入壯懷 此意借觀天下士 始知皮相未全佳 毅庭

神奇不在賞形骸 每訪山門觸感懷 羈絡樊籠兩何用 秋風昂首思天涯 錫三

等從物外寄形骸 暫佐清娛趣亦佳 試上高臺弔千古 呼鷹戲馬幾沈埋 錫三

萬里飛騰骨相皆 老僧嗜好俗難諧 豈知伏虎降龍手 中有禪門法力佳 柳丞

中箱紙驢 明皇雜錄張果既於中條山常乘白驢日行數萬里夜即曼之置於箱篋中乃紙也乘則以水噉之復成驢

二首

疊紙為驢趣自佳 相隨游戲徧天涯 仙家亦惜供芻豆 莫笑窮官馬作齋 秋坂

神仙幻術示凡儕 十丈塵中策蹇佳 解到世情如此薄 揮鞭一笑過花街 毅庭

九鯉湖祈夢

三首

各中默祝各情懷 男夢三刀女夢鞋 莫向傍人紛索解 仙機強半雜詠諧 又銘
荔支果熟子魚佳 客夢年年繞水涯 我與仙人話鄉里 湖山香火一龕偕 溪川
跨鯉仙蹤繞水涯 千秋遺廟倚雲生 此來不乞邯鄲枕 看看湖光亦大佳 錫三

梅蕊

三首

嶺南春信到枯荻 迸出珍珠百琲排 莫道半開顏色好 初胎花品比詩佳 伯希
綻得春光幾樹皆 南枝消息逗吟懷 蕊珠仙子慵臨鏡 環珮遲遲月滿階 伯希
南枝春意上根荻 孕得幽香樹樹皆 庭霰如珠渾不辨 幾回索笑立寒階 胡仲

憶閩中檳榔

五首

蠟灰萋葉費安排 桂子微香味更佳 記得海南人乍到 竹絲涼笠草心鞋 秋坂
海南船不到天涯 觸動饒涎繫客懷 莫道望梅難止渴 棗兒乾子亦良佳 秋坂
莫言風味醉朋儕 鳳卵勻圓看亦佳 可憶故鄉人納采 聯珠合璧兩行排 秋坂
榕陰回首短長街 一例莼羹動客懷 偶檢征衫看宿暈 斑斑香唾未曾揩 丹臣
金盤捧出巧安排 最是茶初酒半佳 可記荔支新熟後 星星燈火鼓樓街 錫三

牧牛曲

三首

芳春土暖動春荻 鞭影斜陽處處皆 共說勸耕賢太守 賣刀新令挂銅街 歲庭
騎背春耕樂事偕 供芻驅犢了生涯 桃林近已銷烽火 橫笛看山亦大佳 心北

朝上山涯暮水涯 風風雨雨此身借 長年莫厭生芻薄 多少朝官馬作齋秋坂

模稜宰相

五首

和羹方待作鹽梅 遇事偏懷首鼠猜 莫怪鋒芒收拾盡 須知顛頂勝羸才 緯菴

調鼎居然一代才 房謀杜斷笑相推 從他笑我麒麟楨 且向中書伴食來 仲濂

樞廷游刃自恢恢 首鼠雙持不露才 胡廣中庸君雨可 漢唐事業誤鈞台 新溪

居然佐鼎列中台 無是無非亦相才 後世紙糊三閣老 從君衣鉢嫡傳來 滄川

當代調羹手共推 藏庸養拙且追陪 模稜卻具風塵眼 一賦梅花識異才 柳丞

鸚鵡洲玉簫墓

四首

忘塚埋香喚不回 指環再世總疑猜 漢南芳草萋萋地 剩與人間唱可哀 荷紳

無情芳草土成堆 一縷塵心總未灰 葬近才人死何恨 玉環多事再生來 仲濂

漢臯下馬幾徘徊 紅葉林邊酌一杯 昔願有情成眷屬 再生莫遣誤投胎 鹿泉

艷骨成灰玉不灰 洲前香蕪返魂來 可憐名士終黃土 辜負當年作賦才 柳丞

美人風箏

三首

風前環珮費疑猜 玉立亭亭儼脫胎 可是十三絃奏罷 飛瓊自控紫鸞來 遠堂

仙子何因下玉臺 風前環珮總疑猜 可憐飄泊同鸞鳳 但博兒童笑口開 鐵農

霧縠雲綃妙剪裁 好風相送上瑤臺 塵緣一綫何時斷 碧海青天歸去來 子恂

三醉芙蓉

四首

寒來木末幾徘徊

著色渾疑醉玉醅

我亦過江連日飲

不曾醒眼對花開

又銘

清霜烈日遞相催

釀得紅潮上頰來

畢竟文官饒酒福

花王頻賜紫霞杯

鐵農

新粧似仿十眉開

濃淡風姿入畫來

我欲栽他近人柳

一番眠起一追陪

潤叔

秋花似解憐秋士

日日相逢倒玉杯

倘遇呂仙容作伴

移根重向岳陽栽

萊序

千里鏡

二首

漫從海客說蓬萊

一管窺天亦小哉

我有看書眼如月

光明自照寸心來

秋坂

奇技何堪兆禍胎

我將破汝付塵灰

聖人方寸懸心鏡

早照鴟張鬼膽來

仲濂

雪堂義墨

二首

十笏如林傍硯臺

故人投贈共顏開

作詩重訊孫莘老

墨妙亭中供奉來

錫三

珍重相貽莫漫猜

如金一劍感分財

還慚僂耳歸裝薄

幸負端州好硯材

子恆

管仲姬畫竹

三首

綠影蕭蕭繞院栽

鷗波亭外日相陪

道人有婦耽禪悅

揮手同參玉版來

秋坂

瀟湘何處起樓臺

揮灑愁心紙上來

擲筆戲從承旨問

龍孫不畫畫龍媒

秋坂

故國冬青事可哀

美人愁黛婦難開

分明一掬湘江淚

灑向吳綾卷上來

柳丞

賣花聲

三首

珠簾半捲夢初回
侍女微聞怪早來
料為連宵風露好
一枝新拗海棠開
遠堂
千金下聘恨無媒
芳訊居然到耳來
我欲更尋蹤迹問
春風何處好樓臺
遠堂
脆管清絲相與催
狂蜂浪蝶復頻猜
開門忽報隔牆去
無數春風攔不回
穀庭

裴晉公祠

二首

綠野堂空玉帶湮
千秋褒鄂貌如新
我來思補昌黎祀
再勒韓碑付手民
穎叔
慘 旌旗尚有神
一朝際會感君臣
天津橋畔騎驢日
誰識功名待此人
子恂

熱車

五首

為雷為火問何因
可是朱門上謁人
君輩自炎吾自冷
蒲輪款款不驚塵
遠堂
落拓柴車我亦暝
莫將炙手傍他人
臣心但是冰同冷
快馬何妨騁絕塵
遠堂
天街十里軟紅塵
怒馬如龍駛畫輪
莫怪雙鞭催火急
車中人是熱中人
鐵農
笙歌聒耳酒沾脣
夢輟歸馳十丈塵
卻笑冰牀爭滑滑
漫天風雪不知春
心北
天上風煙挾畫輪
馬蹏怒踏九衢春
道旁下澤空惆悵
冷宦何曾步後塵
子恂

菊枕

四首

七竇流蘇錦繡茵
滿頭香染枕函新
洛川榮曜分明在
多事陳王賦感甄
新溪
帳製梅花簞捲筠
落英薦枕更翻新
牀頭大有黃金在
高卧休憐處士貧
澄川
古錦縫成襯軟茵
秋香滿榻著吟身
梅花紙帳蘆花被
夢醒籬東月作鄰
伯希

冷艷幽香不染塵 東籬高卧稱閒身 此中也許稱鴻寶 收得金英萬朵新 柳丞

唾壺紅淚

二首

絳珠點點泣鮫人 玉合中收火齊珍 莫向階前輕擊碎 相思怕長豆苗新 芭庭
宮花紅射淚光新 燈火三臺逐玉人 莫買臙脂畫湘竹 怕向離恨愴銀神 柳丞

郭子儀拜織女

三首

令公福澤冠朝紳 佳婦佳兒締國姻 將相功名看耄壽 星娥早識宰官身 鐵農
龍驤虎步出風塵 仙語曾褒第一人 他日盈牀抱笏爛 銀屏瓜果拜良辰 新溪
蓋世勲名百戰身 星期靚面下仙真 可憐此夕長生殿 私語喁喁擁美人 鑑波

狄梁公賭集翠裘

二首

猴冠不祀項王神 褻服何難褫倖臣 從此翠雲身價賤 尚方進奉更無人 錫三
膽氣居然褫倖臣 象碁六博技如神 公門誰解傳衣鉢 作戲逢場亦勝人 丹臣

薛燭相劍

二首

五光十色氣如雲 神物仍煩拂拭勤 入世但教芒不頓 一經賞鑒便超羣 鐵農
太乙精靈護五雲 空山風雨泣龍文 千金不賣咸陽骨 留得鋒鋞欲待君 子恂

禹生日

三首

帝牒遙從白馬分 劍兒坪古詫奇聞 請看異相誇三漏 未試號聲已不羣 又銘

天貺良辰數舊聞
白虹吐瑞誕神君
陽城知有謳歌衆
也仿三多頌放勳伯希
千秋佳節開元始
頌禱何曾上古聞
欲擬如王生日贊
殘碑岫嶼已無文錫三

楊妃受琵琶弟子

七首

玉環才調本超羣
傳得新聲響遏雲
更向三郎學搗鼓
催花手段授紅裳秋坂

荔枝萬顆酒三分
親鼓銅琶度紫雲
為語門牆須祕惜
莫教掀笛李暮聞秋坂

徵歌度曲逐紛紛
粉黛三千總冠羣
太息二南無解誦
梅花獨自耐清芬心北

才藝肥環迥出羣
輦婆指法授紅裳
三郎也解教絃索
腸斷張徽一曲聞錫三

奏罷檀槽夜已分
及門弟子盡紅裳
祿兒不解宮商調
輦鼓無端駭聽聞少希

宮調新翻響遏雲
段師賀老技平分
如花誰是稱高足
淡掃蛾眉最出羣桐樵

華清侍宴酒初醺
指授琵琶履烏分
我愛雪衣娘獨慧
不傳法曲誦經文柳丞

東山折屐

二首

汗馬兒曹共策勳
老夫狂喜亦欣欣
斯人自是蒼生雨
漫說無心出岫雲殺庭

折屐高風世罕聞
倉皇棋局策奇勳
一生幾雨消清福
豈有蒼生望此君錫三

漢光武對竈燎衣

三首

絳衣冷落剩孤軍
向火寒宵苦十分
遙羨故人江上住
羊裘閒看富春雲秋坂

一飽方叨豆粥分
抱薪空舍累將軍
伯升暗淚分明在
襟上痕深莫誤焚仲濂

已離水厄渡殘軍

風雨征途感戰震

天遣絳衣興漢業

扶炎先策竈神勳

馬疇

公孫布被

四首

天子綈袍后練裘

戒奢臣亦屏紛紜

鐵衾一領寒如此

撲滿何人更責君

秋坂

儉德衣綈法孝文

布衾如鐵擁宵分

相公別有長裘在

東閣延賓禮數殷

新溪

黷武難將術悟君

國奢示儉意良殷

冷衾如鐵心如水

不倩香篝侍女薰

伯希

黜華崇儉意良殷

衣被蒼生究未聞

功業何關豐嗇事

請看被袵鼓南薰

荷紳

酒券

三首

落拓長安人海羣

官租酒債兩平分

今年早了糟邱課

付與壚頭一笑焚

又銘

醉鄉逃債日沈醺

羞澀囊中之一文

傭保從來無義俠

誰人肯作孟嘗焚

釋護

酒肆藏名左券分

當年亭長氣如雲

鄙生恨不逢王媪

未免高陽索債紛

少跋

鏡眼

五首

琉璃世界沈塵根

妙絕瞳人翦水痕

遮眼法原開眼法

旁人莫笑視昏昏

遠堂

深淺憑將歲序論

時長十二數更番

靈臺獨抱軒皇鏡

拂拭塵埃老不昏

遠堂

花生銀海苦昏昏

刮比金婉妙莫言

終竟求珠需象罔

歐羅巧製不須論

鐵農

玉珥雙垂繫耳根

通明四照洗塵昏

只愁對鏡看真面

剝露春山兩道痕

秋坂

餘子紛紛目笑存

阮公青白總難渾

年來乞取微雲障

巖電藏光不露痕

子恂

蔣苕生冬青樹樂府

六首

帝業西陵不忍言 且將舊事譜梨園 女貞樹下曉朱鳥 一曲淒絃一斷魂 錢農

海水能銷帝子魂 鍾山憑吊蔣侯孫 連昌宮竹未央柳 鐵撥牙絃又一尊 秋坂

蝦蟆更漏送乾坤 蟋蟀湖山冷酒尊 義士俠腸才子筆 哀江南後與招魂 頴叔

六橋烟柳已鉗髡 枯樹西陵日又昏 一曲哀蟬吟落葉 攢宮如夢不開門 頴叔

江南蘭葉已無根 猶有青青一樹存 三百年來忠孝淚 六陵風雨與招魂 子恂

玉匣珠襦闕塔門 蘭亭嗚咽曲重翻 西陵十月蕭蕭雨 盡是孤臣血淚痕 子恂

卓文君銅印

四首

古琴綠綺已無存 徑寸猶摹漢篆痕 黃竹箱中誰檢點 欲持鳳紐問王孫 鐵農

鸛裘犢鼻已無存 小篆分明手可捫 留得印泥鴻爪在 白頭恩怨不須論 秋坂

鑄金刻玉價同論 為有佳人小字存 紅粉當壚名早識 不須官閣署文園 鹿泉

千金聲價重長門 不及佳人小篆存 欲覓臨邛鴻爪印 酒旗零落日黃昏 柳丞

韓昌黎登華山絕頂峰

四首

青山未遣葬詩魂 華頂苔荒許叩關 他日藍關風雪路 游仙悔不脫塵樊 又銘

俯看玉女洗頭盆 遠睇潼關四扇門 倘遇嶽神應把臂 文章若是泰山尊 澧川

捫葛攀蘿逐野猿 詩人豪舉莫輕論 高峰奇景猶能說 日射潼關四扇門 錫三

歷歷明星手可捫 昌黎游興太高騫 懸梯多謝華陰守 可有新詩寄告存 錫三

葉聲

八首

蕭蕭庭院又黃昏 唱罷哀蟬有淚痕 我本菩提無樹著 十年前已淨聞根 又銘

料峭西風靜掩門 篆烟散盡獸爐蹲 夜來欹枕尋秋意 無數詩心落樹根 緜護

豪竹哀絲靜不喧 驚回酒夢月黃昏 芭蕉池館梧桐院 一夕秋來欲斷魂 緜護

槭槭蕭蕭滿小園 不關疏雨也銷魂 此中合有詩人聽 一樹梧桐獨掩門 錫三

石畔寒泉咽不喧 半林秋色近黃昏 空山鹿過無行迹 似有樵歸人叩門 錫三

寥落空山獨閉門 西風蕭颯月黃昏 詩人無限悲秋意 坐對寒燈悄不言 錫三

西風釀冷又黃昏 秋信蕭蕭到耳根 我欲尋蹤尋不出 一筇卓立向斜垣 鹿泉

棋子敲燈雨打門 蕭蕭槭槭最銷魂 新霜滿地西風老 秋在江南何處村 柳丞

拜月

五首

墀聲微步拂珊珊 歛衽低眉欲語難 私叩寒簧申一問 多時鏡影照紅鸞 遠堂

招呼姊妹共蒲團 袞帶風吹尚忍寒 說與嫦娥無限事 侍兒但聽祝平安 遠堂

焚香祝罷語平安 別有深情欲訴難 卻立階心整衣帶 幾回偷覩鏡團圓 鐵農

寶鴨香銷夜漏闌 小樓人靜玉笙寒 祝他千里嬋娟影 莫照離愁只照歡 子恂

詩心送證結璘寒 欲洗纖氍下筆難 忽憶秋分陪祝夕 阜城門外夜明壇 鹿泉

東坡強人說鬼

四首

幻出荒唐語百端 一燈圍坐話宵寒 阮瞻闢鬼君談鬼 畢竟先生是達觀 又銘
 春夢因婆呼起易 人情似鬼說來難 青天白日行魑魅 禹鼎何從鑄巨奸 又銘
 謫居相對一燈寒 破涕聊翻舌底瀾 談到薜蘿山月冷 淒涼當作讀騷看 芭庭
 世界真宜如是觀 先生舌底有波瀾 揶揄牆外知多少 磨蝎宮中坐冷官 柳丞

月官圖

四首

宦海浮沈爾許難 且呼春屬坐團樂 功名拾芥憑兒輩 袖手閒從壁上觀 秋坂
 喝雉呼盧望徒官 遷除指日賀加冠 凌煙畫像龍飛榜 一例功名紙上看 新溪
 博得兒童笑口歡 居然平步上金鑾 老夫別有開胸次 攬勝圖中五嶽看 溼川
 論功纔賜進賢冠 拜爵還登大將壇 得失雞蟲爭一注 始知官不愛錢難 韶筮

秋蟲

五首

身世醞雞百感攢 吟風咽露總無端 浩歌我學鸞皇嘯 莫作寒號一例看 仲濂
 井梧葉落雨初殘 籬豆花開露正溥 天假不平鳴到汝 苦吟夜夜學郊寒 仲濂
 漫言蝶瘦與螢寒 空對蕭辰百感攢 我欲獻詩賡蟋蟀 小人稼穡最艱難 望川
 肖翹蠢動總無端 得氣隨時判煖寒 不為么麼評得失 高秋山閣自凭闌 錫三
 蜂黃退盡盡蝶衣單 絡緯空嗥金井闌 不及寒蟬能噤口 九霄獨飲露漙漙 海鄉

簾波

五首

簷鐵無聲竹影寒

爐煙裊裊夢初闌

秋風縹緲湘江水

吹上迷樓十三欄

禹疇

如夢濃陰護亞欄

湘紋敲得一分寒

春眠欲起渾無賴

卧當吳淞翦水看

仲濂

棋聲敲罷畫將殘

一桁波光浸畫欄

燕子乍歸風未定

搖搖涼夢落江干

丹臣

爐香留駐篆初殘

斜隔回廊十二欄

草色搖青花影盪

風痕吹上玉鉤寒

伯希

梳頭猶怯水晶寒

步出房櫳露未乾

覓到玉釵斜挂處

生塵羅襪望珊珊

柳丞

王翠翹傳題後

二首

枕邊已敗乃公事

地下難忘舊日歡

悅已為容知己死

田橫高義出句欄

丹臣

軍門忍把舊盟寒

痛哭筵前血未乾

一死只拌酬故主

不因斲養辱邯鄲

萊序

阿蠻樂籍

五首

鈞天領袖上金鑾

仙夢初醒興未闌

南內回頭曹部散

野狐獨剩舊伶官

禹疇

紫雲新曲八姨歡

賺取纏頭本不難

只惜伶官原博士

孝經曾向石臺刊

仲濂

羯鼓催花興未闌

張徽賀老競承歡

君王此籍何年脫

頭白梨園不忍看

錫三

甲舞丁歌興未闌

九華殿上萬花園

三郎羯鼓甯王笛

一曲墮篴屬二難

芭庭

當筵博得八姨歡

一曲笙歌續廣寒

壓盡南朝花月艷

後庭玉樹已闌珊

柳丞

狄梁公毀項羽廟

三首

唐社邱墟淚暗潛
檄文片紙懾神姦
金輪七廟終須改
辣手先教見一斑又銘
神器攸歸豈等閒
憤王祠祀例從刪
沐猴冠帶猶難忝
鸚鵡前頭合靦顏又銘
名馬名姬兩不還
空留廟食在人間
也教一炬成焦土
抵得咸陽劫火殷秋坂

萬家生佛

四首

四朝尸祝徧人寰
相業如君豈等閒
可惜同龕彌勒少
富歐韓范已西還仲濂
龍雨隨雲早出山
不爭香火祀人寰
宣仁便是宮中佛
衣鉢傳君第一班錫三
梨眉鶴髮領朝班
多少蒼生禱祀環
世界都教登極樂
四朝耆舊在人間錫三
五經戒已緇惟受
千佛名從諫院頒
東禪西巡究何益
中書門下有靈山芭庭

琴操參禪

三首

空無依著是禪關
學佛先將綺語刪
悟到拈花微笑處
三生慧業讓紅顏鑑波
侍從風流太守閒
蒲團塵尾啟禪關
前身本是香山老
兜率天中著小蠻子恂
李琪別後朝雲老
詩旨禪宗落此閒
省識維摩天女意
白頭紅袖對青山子恂
天下大師墓

五首

疑案千秋未易刪
誰于正覺認天顏
不封不樹苔花冷
一壟荒涼夕照閒鐵農
浪穹蘭葉淚斑斑
杜宇聲中一錫還
守冢何須三百戶
漢家魚盤落人間錫三
毘盧杖錫落橋山
猶見宮中老佛還
說與南朝方正學
成王尚自在人間子恂

全川去後証禪關 遺冢猶傳髻髻閒 誤脫袈裟憐病虎 少師何面返靈山子恂
蘭花血染杜鵑斑 滇省何年老佛還 荒塚無存宗派在 九蓮香火落人間潤叔

冊封琉球

二首

曾從香案侍朝班 海國重齋鳳詔頒 如海君恩如水志 不將璫瑁壓裝還又銘
口銜鳳詔誇瀛寰 靈火天妃護往還 試向迎恩亭上望 五雲深處近蓬山仲濂

昆陽雷雨助戰

三首

共工觸石蚩尤竄 霹靂揮鞭列缺環 此是中興功第一 天教銅馬定河山繼波
符讖先聞赤伏頒 騎牛真主出田閒 天威特助神龍鬪 一戰功成不等閒錫三
赤衣絳憤入蕭關 憑仗神威一戰閒 預兆鎬南登大寶 星朝廿八拱朝班翊仲

觀濤

五首

奔濤洶湧駕層山 指點雲旗雪練閒 絕妙秋風霞颭處 扁舟一葉弄潮還鐵農
迢遞來源一綫閒 軍聲十萬撼銀山 文章悟境當前在 轉覺枚乘筆可刪仲濂
六和塔外浪如山 後種前胥感慨閒 我但扁舟隨范蠡 五湖煙水自閒閒荷紳
一綫濤頭隱約閒 俄驚萬頃疊銀山 有人駐馬錢唐岸 目送靈胥往復還禹疇
乾坤呼吸撼河山 萬馬奔騰鐵甲攔 跋浪魚龍空衍戲 輸他冷眼白鷗閒心北
擊鉢吟六集卷上終

中華民國九年一月廿日

昭和七年六月十五日印刷

昭和七年七月十日發行

擊鉢吟六集卷上

(定價金二十錢)

新竹市西門一〇五番地

編輯兼發行人 洪 仁 和

印刷者 上海中原印刷廠

新竹市西門一〇五番地

發行所 德 興 書 局

代售處 臺灣全島各大書局

版 權 所 有 不 許 複 製

國家圖書館



004388273



線

851.486

8266:2-2

v.6:1

舊籍